



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De parabola Lupoldi Wormaciensis Episcopi, cap. 9

**urn:nbn:de:hbz:466:1-13177**

idecirco multi sunt hodie. CÆSARIUS: Si solummodo  
vitia sibi commissorum dissimularent, & non eis simi-  
lia facerent, tolerabile esset. Quidam Episcoporum  
*Iere. 24.* tam graues in plebem sibi subiectam hodie faciunt  
exactiones, sicut personæ sacerdotalis. Isti sunt fucus ma-  
lae, malae valde: valde timendum est talibus, ne sibi ca-  
thedras præparent iuxta sedem usurarij in inferno,  
quia usura & exactiones violentę nihil aliud sunt, quā  
rapine. APOLLONIUS: Quomodo valere possent mem-  
bra, vbi tam infirma sunt capita? CÆSARIUS: Occa-  
sione huius sedis recordor cuiusdam parabolę, a quo-  
dam Episcopo dictę.

## CAPUT IX.

**I**N Wormatia ante paucos annos quidam Episco-  
pus fuit, nomine Lupoldus, solo quidem nomine  
Episcopus, opere autem tyrannus. Hic cùm esset  
vanissimus, nihil in se habens pietatis, nil religiosita-  
tis, dicebat ei quodam tempore germanus suus vir no-  
bilis: Domine Episcope, multum scandalisatis nos  
laicos vestro exemplo: antequam esset Episcopus, aliquid Deum timebatis, modò nil prorsus de illo cu-  
raris. Cui ille respondit: Frater, duo vicini erant, ex  
quibus unus exemplo alterius peccauit, mortui sunt  
ambo, & deducti in infernum: cùm essent in tormentis,  
unus alteri dicebat: Væ tibi, quia tuo exemplo prouo-  
catus ad peccatum, merui hunc locum: cui alter: Bone  
vicine, si placet tibi amplius sedes mea, trade mihi il-  
lā, & ego tibi meā. Sic dico vobis frater, quādo vene-  
rimus ad inferos, si videbitur vobis sedes mea honora-  
biliar, ascendite eam, & recipiam vestram. Respondit  
ille: Mala consolatio hæc. Iste Lupoldus ita diabolicus  
erat, ut tempore schismatis, quod erat inter duos Reges,  
Ottonem scilicet & Philippum, cū sibi usurpat̄ Epis-  
copatū Maguntinensem eiusdē Philippi auctoritate,  
& multis interesset bellis, non parceret ecclesijs, non  
cœmiterijs. Et cū milites sui ei dicserent: Domine, non  
licet nobis spoliare cœmiteria, respondit: Si ossa mor-  
tuorum tollitis, tunc primū cœmiteria spoliatis. Qui  
cū esset priuatus ab officio & beneficio ab Innocēto  
Papa,

Papa, propter inuasionem iam dicti Episcopatus, auxilio Philippi fretus, collecto exercitu, profectus est in Italiam, ipsum Papam debellare; quem etiam in diuersis locis, quod dictu horibile est, ardentibus candelis excommunicauit. Postea verò in odium Imperatoris Ottonis, officio & beneficio restitutus est. Vir ille sæpe & valde, ut iam dictum est, cecidit, nescio utru surrexit in fine per cōtritionē: hoc scio, quod legatio in qua hominem depositus, multæ dissentionis seminarium fuit. APOLLONIVS: Sæpe quosdam vidi cadere, & per pœnitentiā resurgere, sed quod quidam fortius resurgent, probari mihi vellem exemplis.

## CAPUT X.

## CÆSARIVS.

**A**NNVS modò vicesimus est secūdus, plus minus, eo tempore quo ad ordinē veni, qui fuit ab incarnatione Domini millesimus ducētissimus uno minus, in quo tale quid à viris religiosis & literatis, ut sunt Abbates & Scholastici, contigisse Parisijs veraciter intellexi. Erat ibi iuuenis quidā in studio, qui suggerēt humani generis inimico, talia quædam peccata commiserat, quæ obstante erubescētia, nulli hominum confiteri potuit: cogitans tamen quæ malis præparata sunt tormenta gehenæ, & quæ bonis abscondita sunt gaudia perennis vitæ, timens etiam quotidie iudiciū Dei super se, intus torquebat morfu consciētiæ, & foris tabescēbat in corpore: quid plura? tandem miserante Deo timor ille seruilis verecundiam vicit, qui sicut seta filum, charitatem inducere consuevit. Veniēs ad S. Victorē, Priorē vocauit, & quia confitendi gratia venisset indicauit. Ille paratus ad tale officium, sicut omnes sunt fratres eiusdem monasterij, statim venit, in loco ad hoc deputato sedet, præmissaq; exhortatione, iuuensem cōfiteri volentem expectauit. Mirares; tantam hora eadem pius Dominus, cuius natura bonitas est, cuius voluntas potestas est, cuius opus misericordia est, cordi eius cōtulit cōtritionem, ut quotiēs confessionem inciperet, totiēs singultibus intercepta vox desiceret; in oculis lacrymæ,

*Post lapsum quosdam fortius resurgere;*

*August. tract. 9. in Epist. Ioann.*